

دائرة مخصوصه

در سعادتده باب عالی جوارنده

محل اداره :

مشرط قلم

اخطار :

مسلكمزه موافق آثار جديده مع المنونيه
قبول اولنور

درج ابدله بن آثار اعاده اولنور

ديره، فلسفه، علوم، حقوق، ادبياتده و سياستبانده و بالخاصه كرك سياسى و كرك اجتماعى و مدنى احوال و مشورده اسلاميه و ده بحث ايدر و هفته ده بر نشر از انور.

آبونه بدلى

سنه لى

التى آيلنى

ممالك عثمانيه	ايچون	۶۵	۳۵	غروش
روسيه	»	۶۵	۳۵	روبله
سائر ممالك اجنبيه	»	۱۷	۹	فرانق

صاحب و مؤسلى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

در سعادتده نسخه سى ۵۰ پاره در

قيرلهدن مقوا بورو ايله كوندريلىر سه سنوى

۲۰ غروش فضله آلنير

مستشرق شهر پروفیسور براون

بالقائہ قومیتہ سی

بوعنوان ایله خلیل خالد بکدن آلدیغیز ورقہ در :
 بوندن تقریباً ایکی سسنه اول لزومسزلغنی حس ایتیمی اوزرینه
 تبدیل مسلك ایتیش و یکی ترکیه دوستلغنی ادامه موجودیتی ایچون
 بر وسیله مناسبه عدا ایلش اولان بالقان قومیتہ سی کندیسسنه یکی
 طرفدارلر بولمغه چالیشمش و بومیانده مستشرق فاضل معلم براون
 جنابلرینه ده مراجعتده بولنمش ایدی . معلم مشارالیه بالقان قومیتہ سی
 مروجلرینک مناسبقده کی عداوت اسلامیه لرینی بیلدیکندن آنلرک
 ینه تبدیل مسلك ایلیه بیلہ جکلرینی حس ایله قومیتہ یه دخولدن اول
 فکر عاجزانہ می صورمش ایدی . دخولده محذور بولندیغنی و بلکہ
 کندیسسی کی جدآ محب اسلام و شرقیون اولان بر ذاتک قومیتہ
 مروجلری اوزرنده بر تأثیر مراقبه اجرا ایلیه بیلہ جکفی و آنلر ینه
 اسکی مسلك خصوصتہ صابدلرلی تقدیرده اعضاالقندن استعفا ایلیه بیلہ جکفی
 سویلش ایدم . معلم براون بونک اوزرینه قومیتہ یه داخل اولمشیدی .
 فقط اخیراً مذکور قومیتہ ینک ینه اسکی یوله صابدیغنی کورمسی
 اوزرینه قومیتہ ریشی مستر نوئل با کستونه بر پروتستو یازدی .
 مومی الیه جوابسنده قومیتہ نک یکی ترکیه یه دوست قاله جفی ولا کن
 (پان ایزلامیزم) دینیان اتحاداسلام طرفدارلرینک دسیسه مضرانہ لرینه
 قارشى چالیشہ جفی بیلدیردی .

فقط معلم براون جنابلری (پان ایزلامیزم) طرفداری دینیان
 ذواتک شرقک احتیاجاتنه دها زیاده واقف حیت صحیحہ اصحابندن
 بولندقلری اعتقادنده اولدیغنی و مسلمانلرک ترقی و تعالی خصوصتہ کی
 اتحادلرینک یک مشروع بولندیغنی و بالقان قومیتہ سنک اخیراً نشر
 اولنان لایحه سنویه سنده سرد اولنان مطالباتدن و کچکی اجتماع عمومی ده
 صرف ایدیلان سوزلردن طولای کندیسسنک بعدما قومیتہ ایله بر رابطه سی
 بولمیه جفی و اسمنک اعضا صره سنده درج ایدلمه مسنی مصرأ طلب
 ایتدی . پروفیسور براون بالقان قومیتہ سنک اعضاالقندن استعفا
 ایلدیکفی ممالک عثمانیه ده کی محبانہ بیلدیرمکلیکی بالخاصه رجا ایلدی .
 بناءً علیه کیفیتی شو ورقه عاجزی ایله صراط مستقیمه درج اولنق
 اوزره ارسال ایلیورم . بونی حاوی اولان صراط مستقیم رساله سنندن
 بر نسخہ سنک معلم مشارالیه ارسالی رجا ایلم . آدرسی :

Professor E. g. Browne
 Pembroke College
 Cambridge
 Angletterre

بخارا مخبر مخصوصزدن :

بخارا احوالی

بوندن آلتی آی اول بخارا ، شیعیلرله سنیلر آرمسنده تحوت

اویقوسندن اویانوب اکتساب قوت ایلیه رک ، خلیفه سیله برابر ،
 آلمانیاک دوستی اولورسه ، شرقدن قرمزی چکیرک لری قوغمق
 و برمدت اولنرک یرینه قائم اولق ممکندی .

اقوام اسلامیه یی ، حاکمیت اقتصادی لری آلتنه آلان اوروپالیرک
 هپسی ، اقوام مذکورہ نک استقلال سیاسی لرینه ، شرف انسانیلرینه
 رعایت ایدہ رک ضرور ملیلرینی اوخشامیه لزوم کورمه مشلردی .
 انکلیز ، فرانسز ، هولاندلی ، یاخود روس ، - حتی روس - صرف
 جبر و شدتله غصب و ضبط ایتدکلی ممالک اسلامیه نک بوتون منابع
 حیات و ثروتی کندیلرینه حصر ایتدکلی تیمورمش کی اورالده
 بر نوع افندیلک ، سیدلک طوری طاقیور و آرتیق یریلری انساندن
 بیلہ صایبورلردی . اوروپالی ، آری ، خرسیتان ، من طرف الله منتخب ،
 یاخود اصطفای طبیعی ایله بر کزیده بر نسله منسوب عد ایدیلور ،
 یرلی ایسه ، تورانی ، یاخود سامی ، مسلم ، ایکنجی اوچنجی طبقه
 بشریه دن بر آدم ، بر نوع پاریا اعتبار اولنیوردی . بو اصیلزاده لر
 یریلره هر واسطه دن بالاستفاده آشاغیغنی احساس ایلیورلردی .
 بونکچوندرکه اوروپالیر عالم اسلامه بمض منفعتلی فکر و هنرلر بیلہ
 کتیردکلی حالده ، مغشوش اولمایان مسلمانلرک هیچ بریسی ، اوروپالی یی
 سوه میوردی . بو عدم محبتی ، نمره تعصب دینی ظن ایدنلر ، یک زیاده
 یا کلورلر . مسلمانک اوروپالی یه ایضنامہ سی ، هر شیدن اول منبع
 حیاتی قوروتماسندن و کندیسنی آدم اوغللرینک هر برینه مساوی
 و حر بر انسان حساب ایلر ایکن مادون واسیر معامله سنه دوچار
 ایدیلہ سننددر .

آلمانلر احوال مبسوطه یی ایجه کوروب آکلامشیلر ، بوندن
 استفادیه مسارعت ایلشلددر : آلمانلر ، مسلمانلری کندیلرینه مساوی
 عد ایلیه یوب اوکا کوره معامله ایدرلر ؛ مسلمانلرک هر درلو حقوق
 طبیعی لرینی تسلیم و تصدیق ده تردد ایتزلر . بر فرانسز ویا انکلیزک حر
 و مستقل یشامیه نقد حق و ارسه ، بر مسلمانک ده او قدر وارددر ،
 دیرلر . دول اسلامیه نک استقلال و تمامیت ملکیه لرینه کندیلری تعرض
 ایتدکن باشقه ، اقتضاسنده مدافعه یه ده قیام ایلرلر ؛ حتی استقلال
 و حریتلرینی ضایع ایتیش اقوام اسلامیه نک استرداد استقلال و حریتلرینه ده
 مائلدرلر . اولنرک ممالک اسلامیه دن بکلدکاری صرف منافع اقتصادی ده
 انکلیزلری انک زیاده تلاش و یرن ، آلمان سیاست شرقیه سنک ایشته
 بو نقطه سی ، یعنی باشده خلیفه اولق اوزره ، قوه اسلامیه یی تجار
 و صنعتکار دولتلر علیهنه وبالخاصه انکلتزه علیهنه قوللاقمق ایستهمه سی
 اولمشدر .

شو بر قاج سطرله آلمان - انکلیز غوغاسنک شرقه متعلق بعض
 سبیلری مجملآ کورلش اولدی ؛ کله جک مقاله ده انشالله انکلتزه نک شرق
 سیاستندن و شرف خلافت اسلامیه یی حائر سلطنت عثمانیه نک آلمان
 - انکلیز رقابتنه مقابل ناسل وضعیتلر آلمش اولدینندن مختصراً
 بحث ایدیلہ جکلر .

آ . ی